

悼啓祐下民假我真人肇播道法夷厥妖氛  
乃人乃物乃善乃息惟予鮮德厥法是承凡  
予所告不敢以私惟恐違天之命凡予所指  
不敢以私惟恐致天之罰祗畏明威實始自  
予矧爾有衆咸雷霆選中之神被敕佐予疇  
敢荒怠惟爾堅忠正直耀厥威靈乃勇推山  
嶽乃變布風雲伏法以行乃無前旁疇或援  
文以抗遇敵勉哉以行上聽命令爾毋妄行  
毋苟止毋私忿毋侵擾毋違邪志毋泄陰機  
毋敢不爾爾躬毋敢不善爾器反是其爾躬  
有戮嗚呼豈不勉哉爾衆用命則功不爾蔽  
不用命則罪不汝赦故誥以陳汝宜聽之毋  
息

道法會元卷之五十七


道法會元卷之五十八  
上清玉樞五雷真文

五十九

好三

書符

夫書符須於壇殿或淨室軒庭之所加天罡  
所在望空設案備紙筆墨硯朱砂淨水合用  
之具以烈火焚香令煙馥郁却開旗卓劍出  
印依法變神從天門步入中星握固法訣念  
呪左手大指掐丑上一節名衆鬼目仰面看  
天却向支干方吸炁存三台頂上七星目前  
住立書符置圖于左



一步天星回 二步集惡伏 三步水逆流 四步  
乾邪滅 五步雷公鳴 六步六丁神 七步青龍  
加太乙 剔起雷火發萬里

又呪

吾是天目與天相逐睛若雷電光耀八極微  
視表裏無物不伏兇惡鬼神滅吾魁罡之下  
急急如  
祖師五雷上帝律令

敕誅呪曰

陽精朗照陰鬼當衰神朱赫赫光耀太微我  
今所化萬惡皆推三炁成火七炁成台三星  
俱照符到速追急急如律令

呪畢左手握紫微印印心右手執筆存身  
為天師念十二時辰二十八宿十二月將

此斗名號次祝筆呪曰


謹請五方猛吏雷公電母風伯雨師五方蠻  
雷使者直符功曹速降威靈入吾筆法之中  
書篆雷符前去某家救治病患立獲痊安急  
急如律令

呪畢雷訣望巽吸炁一口閉定依法如  
式書符

召四神祈雨

五月五日以黃羅一尺二寸朱書赤雞紫鵝  
二符誦水郎呪午時投東北水中或井內

赤雞符



紫鶴符



於淨室設四神位以香果燈燭茶酒遙望東北再拜默召四神雞鶴先現次觀神形遇早涸之年則禱之易感

祭四神即四候神也

五雷經云有四神主掌風雨事一東南之神  
丁文廣人首龜身號玉雷浩師二西南之神  
丁文行人首龍身號火光流精三西北之神  
丁文連人首魚身號虛精大華四東北之神  
丁文惠人首蛇身號洞陽幽靈此四神太初混沌之時水之精也大禹治水令四神鎮四

角又云八卦之精凡禱此神不可輕易觸之則至大水漂浸洲渚沈沒山川宜於五月五日灑掃淨室畫四神真像列淨茶酒果鮮粽錢馬禹步丁罡掐本師訣呪曰

金闕降聖玉帝上符吾受太上乾元之炁法天像地救護羣生命衛護之威靈將防禦之更兵疾速赴行急急如上帝律令

呪畢化錢送神法師若能頻祭凡祈禱雨賜大有感應


五雷朝斗法

五雷經云世間男女能常誦斗呪者可延壽命書符呪水治病驅邪過斗見時望北端簡淨放步七星罡禮四十九拜訖存三台華蓋北斗七元次想已身左右前後作五色雲蓋蓋覆一更朝禮至三更三點朝畢再拜次入淨室供養北斗像前燃燈焚香誦呪曰  
斗魁七星聚靈之精輔弼二相三台明象六丁玉女紫微四時天罡天元坎水八玄四目神仙金童傳言誦滿百遍七真應現延壽驅

危斬毒滅妖祈求任意保真富貴自有光明乾元亨利急急如北斗太玄律令

若能持誦百遍千遍靈驗非常

七星罡圖



宜擇淨地建壇法師垂手各掐丑上鬼目左脚踏星右脚踏微却入合次入台次入真却入元雙脚立罡上叩齒取簡朝拜次呪水吞七星靈符令人鬼神澄正道悉日新兼可治人疾病功驗無比

呪水

凡有大疫之年呪水遍施救濟患苦富設案向巽方案前置一淨瓮貯新汲井水以空淨盂一隻置在案上法師上香依法變神握訣存想步七星罡臨瓮所先左脚入斗返脚入

元次入太入帝入水入火入立入天至台星  
八字玄輔濁上左手握箕武訣指定瓮中次  
呪曰

五方太一精神北帝太華玉漿隨吾真炁為  
吾發揚真炁流液翠境妙香神明一視萬鬼  
咸藏急急如

北帝律令敕

呪畢取天罡炁吹入瓮中次左手拍天罡  
訣右手將淨盂於瓮內取水一盂面巽呪  
曰

東西南北天地生死攝

呪誦二三百遍畢搗天罡訣取天罡炁吹  
入盂中次左手換天蓬印念天蓬呪仍取  
天罡炁入盂中次左手雷局呪曰

神水洋洋萬里精光五雷布炁斷絕不祥歸  
脾入胃透膈穿腸百病速去通流膀胱急急  
如律令

呪畢吸巽戶青紅炁吹入盂中次取五方  
正炁入盂中又面辰念前呪一遍吸黃炁  
和雷局吹拋入盂中却將盂中水傾入瓮

存五雷雷炁神將吏兵俱入瓮中行神布  
炁宜在一心存用密封瓮口遇有請者給  
與之能治百病若有崇之病用桃枝七寸  
長槌碎同法水煎若有魔穢之家給與洒  
蕩解除

呪水罡式




遣水祝將

法師依法變神握訣存想步罡厲聲云本院  
神將吏兵等眾諦聽吾言今有某請求神水  
救治某病煎藥吞符當令邪精束首盡毒滅  
形山魁絕跡百怪落傾四百四病甦息安寧  
此帝神呪法令不輕願得速痊神驗如聖急  
急如律令

呪畢以劍指請水人家住方嚀水喝云速  
去某家救疾然後收劍歸神

遣水罡

從天門步起至土旋身入斗中左脚踏火  
右踏土土橫火直如丁字却指揮行事



呪符

凡給符與人並用南斗訣或雷局焚香聖前  
煙上熏過默呪曰

無上三天大法師太上紫微諸靈神今有某  
為某病請符吞服願此靈符威靈莫測志合  
天心吞帶鎮貼誅邪斬精止絕鬼魅求斷蹤  
由勞瘵盡毒滅跡除形病者服之五臟安寧  
急急如

上帝律令敕

謹請天雷力士地雷力士風雷力士火雷力  
士平天大將軍平地大將軍平魔大將軍攝  
魔大將軍流鬼大將軍通天地運五行鳴鐘  
鼓逆乾坤天兵地兵神兵水兵鬼兵各百億  
萬騎上張天羅下布地網誅鬼妖捉精邪吾

謹請天雷力士地雷力士風雷力士火雷力  
士平天大將軍平地大將軍平魔大將軍攝  
魔大將軍流鬼大將軍通天地運五行鳴鐘  
鼓逆乾坤天兵地兵神兵水兵鬼兵各百億  
萬騎上張天羅下布地網誅鬼妖捉精邪吾

謹請天雷力士地雷力士風雷力士火雷力  
士平天大將軍平地大將軍平魔大將軍攝  
魔大將軍流鬼大將軍通天地運五行鳴鐘  
鼓逆乾坤天兵地兵神兵水兵鬼兵各百億  
萬騎上張天羅下布地網誅鬼妖捉精邪吾

謹請天雷力士地雷力士風雷力士火雷力  
士平天大將軍平地大將軍平魔大將軍攝  
魔大將軍流鬼大將軍通天地運五行鳴鐘  
鼓逆乾坤天兵地兵神兵水兵鬼兵各百億  
萬騎上張天羅下布地網誅鬼妖捉精邪吾

奉帝救火急奉行

以符付請符人急持到家以新汲水令患人面異方吞下

道法會元卷之五十八

道法會元卷之五十九

上清玉樞五雷真文

立獄收邪


凡治大妖山魃五通樹石之精狐狸邪鬼毒表飛尸蠱毒癘疰水怪疫癘流精虺瓦盜人物色迷惑美女後生男子僧尼孀婦思慮動念飛精託附狂言妄語叫笑歌唱持刀執斧入水奔火罵詈狂走此等之祟不可尋常治之宜牒本處城隍申聞東嶽雷霍官將收捉立獄於乾亥之地禁治以爐灰細篩以驗形跡令反面光細八九寸闊四畔關閉作門向東南巽方每用竹一莖長六寸以皂帛繫之釘在獄心法師持水仗劍從東丁步至獄門呪曰

天丁地丁玉女真靈千和萬合統御神兵收捕桃賔赴獄桎辛吾奉北帝敕命律令雷師火伯吞鬼食精急急如火炎令

法師誦呪二七遍喝神將收捕鬼祟封押鎖閉獄房差神將守護無令泄漏獄情次呪水過屋梁洒立要崇跡上獄如法看驗


是何鬼祟方作牒狀解赴東嶽或鄧都乞依法律斷遣仍給符水與患人吞帶貼鎮門戶仍立香火供養獄中主者諸將吏兵次用酒果錢馬犒賞神將獄吏仍具獄如後式

陽明之獄



此獄收禁山魃之鬼大跡不過指小跡如筋頭或如葉豆孟是家先同情

幽臺長夜之獄



此獄收禁家先幽鬼蠱毒精怪